

comme un nom tiré du cerveau et de l'imagination féconde des romanciers et qui ne méritait nullement de fixer l'attention. Cependant, j'ai trouvé dans Gollut, auteur des Mémoires historiques de la république Séquanoise, l'origine de ce nom qui me semblait fantastique. Voici ce qu'il dit, dans son vieil et naïf langage, au chapitre 46 de son VI^e livre :

« Le nom et la famille des nobles de Vienne hat fort emplement seigneurié sous le sceptre des rois de Bourgogne, auant et depuis Raoul, dernier du nom. Mais sa puissance hat esté le long des riuieres de Rhosne et de la Saône, sur les seigneuries d'Auxone, de Seurre, de Chalon, de Mascon, de Lyon et du Viennois, par lequel ilz prindrent de bien longtemps leur nom, sous la commune dénomination toutefois de Mont-Graue, qui comprenoit généralement tous leurs parents et alliés; ainsy que Clermont seruoit pour la distinction d'une autre égale famille en France, leur amie et alliée, de laquelle une part des plus grands princes et paladins de la Gaule estoient les fleurons. »

« Or, tant la casade se disoit Mont-Graue, à cause de la forteresse imprenable qui lors leur appartenoit à Lyon et sembloit seruir de nom de faction contre celle de Mayence, fort riche en la Gaule mesme, contre laquelle Mont-Graue et Clermont auoient tousiours quelque chose à démesler; mais Vienne estoit le nom propre de la famille de laquelle généralement les comtes de Bourgogne, Gennes, Auxone, Mascon et Viennois estoient nommés. Et nous faut entendre que, nonobstant que les nobles de Vienne heussent de bien grandes seigneuries, par lesquelles ilz se pouuoient bien nommer, sans repéter le premier tige de leur maison, toutefois ilz hauoient en si grand honneur leurs prédécesseurs, qu'ilz se sont tousiours voulu faire cognoistre par le nom commun, adioustans les seigneuries particulières et principales qu'ilz hauoient pour se entre-distinguer et se faire cognoistre. Ce que hat esté practiqué, tant que les seigneuries sont demeurées aux masles, ainsy que tous les comtes de Bourgogne, de Gennes, de Salins, d'Auxone, de Mascon et de Viennois se disent comtes de Vienne. »